



Aber esopus wolt dem beschluß der burger nicht volgen Sunder für er mit des kungs botschafft über meer zü dem künig vnd erzeuget sich persöentlich vor im Do im aber der künig Cresus ansach ward er vast bewegt vnd sprach Ist das der vsacher das die Sami meynen gebottē mit wollend gehouig sein Do sprach esop? Größter künig aller künig ich bin durch keynen gewalt noch nôt sund willigcklich vnbezwungen herkomē fur dīm angesicht vnd hab eyn vertrauwē du hörest mich mit gütigē oze Do im aber zereden gegunnet wart Sprach er Auff eyn zit do eyn armē man wolt vogel fahē do fieng er eynen grillen do er aber mercket dz mā in töre solt do sprach er zü dē vogler Ich bit dich du wollest mich nichte on vsach töten wañ ich thū doch keinen schadē an dem samē so benag ich die hofffen nit. sunder mit frolocken meynner flügel vnd sprüngem der füß vnd meynē gefang mach ich die leüt die furgand frölich vñ wol gemüt vñnd kütze ynenn die arbeit des wegē. so findest du auch sunst nichtz in mir wañ die stymmen Do das der vogler höret. lief er den grillē auß der hand Also bit ich dich künig. das du mich ellenden vñnutzen nit wöllest vñb vñschuld ertöten. wañ ich enwil noch mag von blödikeit wegen meines leibes nieman vnrecht thon. sunder rede ich das dem leben der törtlichen menschen vber nütz ist. Do ward der künig durch verwunden ab seiner red. vnd von barmhertzpygkeit beweget das er sprach zü Esopo. Ich gib dir das lebē nicht. sund das glück. darumb begerest du etwas so sag was du wilt dz wirt dir gebē Do sprach esopus. ems dinge alleß bit ich dich dz du die zimb vñ güte denē von samo ablaßest. sy seye abgelaßen sprach Cresus Do fiel esopus fur dē künig auf die erd vñ saget im danck. Dar nach macht er die fabeln die man vntz auf den heuti